



Fylkesordføreren i Sogn og fjordane

VIK SKISENTER

Vik Idrettslag er med dette så fri å søkja fylkeskommunen om tilskot til Vik skisenter med

Kr. 2.000.000,-

Hovudgrunnlaget for søknaden:

Er eit regionalt superanlegg.

Nærare grunngjeving:

Vik skisenter er eit anlegg for komplett vintersport; langrenn, skiskyting, hopp og alpint. Eitt av dei mest kompakte anlegga i landet.

For konkuranseidrett på nasjonalt (og internasjonalt) nivå, er anlegget best eigna som skiskytingsarena både sommar og vinter. Mellom anna har me hatt to sommar-NM i denne greina. For 2020 er me tildelt NM – vinter. Anlegget har skiskytingsforbundet sin høgste lisens – C – for vinter. Me vil og få C-lisens for sommar med å justera asfaltert løypetrase noko.

Då me har asfalt i det meste av løypetrasen, er me spesielt eigna til å hysa rulleskiutøvarar. Desse får ein god stad å treni i staden for å måtta bruka landevegen.

Såleis er me mykje brukt som treningssamlingsstad både for norske og utanlandske utøvarar/klubbar. Mellom anna har me hatt det italienske landslaget på treningssamling.

Anlegget har potensiale til å utvikla seg vidare. Me tenkjer då på kombinasjon rulleski i anlegget og snø på Vikafjellet om sommaren. Me har og samarbeid med miljøet i Vossaregionen. At anlegget er på kartet både nasjonalt og internasjonalt, provar eit oppslag i avisa Hordaland frå 27.9. i år der Even Hegbom (gryndaren for Myrkdalsutbygginga), nemner Vik som potensiell arena for eventuelt OL på Vestlandet (Vestland) 2030.

At det finst eit slikt anlegg hjå oss, må difor absolutt vera eit pre også for region/fylkeskommune.

Det er Vik idrettslag som eig og driv anlegget.

Kostnad slik anlegget er no:

Kr. 26.952.443,- jfr. note 5 i rekneskapet 2017 for Vik idrettslag.

Finansiering har vore:

Spelemidlar, tilskot frå offentlege (fylkeskommune, kommune), dugnad og sponsorar. Restfinansiering er ved lån – idrettslaget har pr. i dag attståande lån om lag kr. 4,6 mill.

Finansiell utfordring framover:

I tillegg til sterkt ynskje om nedbetaling av gjeld, er det trong for om lag kr. 2,5 mill i nye investeringar til garasjebygg og løypemaskin.

Framtida til anlegget:

Me ser føre oss vidare utvikling av anlegget og drifta. For drifta ser me stort potensiale, jfr. ovanfor. Men idrettslaget må ha meir hjelp både på finansierings- og driftssida. Det mest naturlege er då at det offentlege bidreg enno meir. Difor denne søknaden til dykk. Me vil og fremja sak til Vik kommune.

Me set veldig pris på tilskota me tidlegare har fått til oppbygging av anlegget. No gjeld det å utvikla anlegget vidare og vonar inderleg at de ser positivt på søknaden vår.

Vik i Sogn, 25.2.2019

Erling Stadheim
Leiar

Vedlegg
Rekneskap for Vik idrettslag med notar og revisjonsrapport (2017)
Nokre foto